

右軍作許先生傳者正如也傳跡略不用
 陶翊乃作本起錄至齊宋遂已亦多遺闕
 翊先生猶子也本起錄乃粗似詳究而惠文
 氣太早叙述繁雜自云今此未便為傳且撰
 行業以備遺失耳不知何緣至宋元年遂
 絕也其後潘泉文復踵其作泉文先生門人
 也自云陶翊本起錄訖於齊宋從此已後二
 十餘年並無有過記且隨年載錄後撰傳
 人自更詳述始天監元年至七年夏四月于
 時先生改名氏潛訪遐嶽天監七年夏四月
 先生改名漸遊其事其於傳中旁無知覺於
 是泉文又絕筆於此嗚呼前二傳既太簡而
 錄書及謝序事所作傳門人編錄復無餘實
 俾君子辟世之道清真養嗣之跡其幾于磨
 滅歟乃於登真隱訣及其詰泰清經先生文
 集揣摩事迹作三卷焉

華陽陶隱居內傳卷上

先生諱弘景字通明丹陽秣陵人也
 本起錄云宅在白楊巷

其命氏自帝堯帝堯治冀州世居平陽西漢
 丞相青翟東漢司空敦皆赫赫有名論量卓
 然神陽十三世祖起始渡江是為丹陽人七
 世祖澄仕吳為鎮南將軍

本起錄云即交州刺史瑛之弟也
 封句容侯吳滅入北永嘉之亂南遷

本起錄云世祖清第三子也
 永嘉中為東海王越司馬領屯兵隨王出許
 昌因敗仍復過江為大將軍王敦參軍敦乃
 啓分屬籍晚乃起為東府丞相參軍不就高
 祖吐清拔尚氣不肯仕曾祖與公為郡功曹

本起錄云多才藝頗營產殖郡功曹察孝
 廉除廣晉縣

祖隆長七尺五寸美姿容善藝術以樞機為
 勞從宋武帝破姚泓有功封晉安原豐侯

本起錄云顏峻就求宅以益寺弗與因解

官見謫削爵徙廣州後稍遷新會郡
 父貞實字國重為江東名人由南臺侍御史
 作江夏孝昌相

本起錄云亦善騎射解藥術博涉子史奕
 風儀與蕭思話王劄劉乘友善元微四年
 冬銜使虜庭通鄰國之好作游歷記并詩
 初先生母郝夫人

本起錄云夫人東海人諱智港及終有異
 焉
 夢青龍自懷而出擊空東上

本起錄云有青龍忽從身出直東向上昇
 天梁書云夢兩天人手執香鑪來至其所
 已而有娠與此頗異本起錄是先生猶子
 翊所作其究詳事理豈漏於史官乎

逐視之無尾明日謂人曰當生非凡男然必
 無後或對曰無乃為仙子

本起錄云既覺寤語周旋必當生男兒應
 出非凡也

以宋孝建三年四月三十日夜半先生誕焉
 本起錄云歲丙申日甲戌此年間五月明

本起錄云歲丙申日甲戌此年間五月明

本起錄云歲丙申日甲戌此年間五月明

本起錄云歲丙申日甲戌此年間五月明

本起錄云歲丙申日甲戌此年間五月明

本起錄云歲丙申日甲戌此年間五月明

本起錄云歲丙申日甲戌此年間五月明

本起錄云歲丙申日甲戌此年間五月明

且便是夏至

詰且毋沐浴體忘微苦乃起先生始生無驚啼始坐殊警息五六歲時酷愛學書雖戲弄羅前唯執筆硯八九歲時讀書千餘卷頗善屬文讀葛稚川神仙傳見淮南八公事

本起錄云鄉親鞠氏舍得葛洪神仙傳弟六一卷

夜抱卷與寢乃曰攀青雲白日其何云遠錄是就重信悟宵然有方外之志矣神表孤邁膚色皙澤每出路人輒聚觀咸曰陶郎是玉京中落仙乃執羽扇以自障蔽雖冬月不除年十一作王吳博士

本起錄云吳是司徒長史釗之子作吳對答書啓如老成人十五自南州還

本起錄云先生年十三父隨吏部尚書劉秉之淮南十五歸都寓憇中外徐冑舍

作尋山誌

其誌云云具集中

先生既冠而不肯婚

先生深潔去嗜慾蓋一生全不運於聲色

也

且曰吾欲蕭條其現也長七尺二寸疎眉長額右肩有紫誌如錢

按金闕後聖列紀青童君云此皆仙相也右股有數十黑子闕于如斗形不樂葷羶唯進青飢飯

清虛真人傳內有方以南燭為主蓋上仙所服餌也

醉愛松聲居必手植常嫌讀書未滿萬卷乃

以內書兼之於是少出州府辟召皆不起初

父與劉秉友善秉為丹陽尹其子侯少知名

酷好文學先生復與之遊出則共載食乃同

味于時宋氏失德蒼梧王過害

宋書云廢帝昱明帝長子也既即位荒亂

酷暴以齊高帝復為射的既遇害進謚蒼

梧王

蕭道成立順帝仍執政荆州刺史沈攸之擁

兵不從道成入守朝廷

宋書云順帝第三子齊高既專廢立不從

者羊齊高乃入守朝廷

司徒秉榮拔石頭蘇諫道成劉秉預焉遂奔

石頭以其屬隨先生與韓資廉淡同管文檄遣成勒兵攻破石頭

宋書云司徒秉榮拔石頭諫道成不果旋見覆滅本起錄云先生年二十二隨劉

丹陽入石頭就秉榮建事先生終始久要

不遺舊故雖危疑患難不求自退也

先生乃得出侯為沙門間行

本起錄云爾夕城潰侯與弟依逃走向京

為人所獲死建康獄人莫敢視先生哭其尸躬自收殮

本起錄云先生躬自殮瘞葬者例舊慕

先是侯與江敬瑒等俱為順帝四友作宋

德頌連珠七警當世釋絕至是遂亡其本先

生乃喟然歎曰人無愚智同盡百年所貴身

名遺芳寄世惜乎劉生名迹俱長

本起錄云劉侯既石頭奔潰文章皆零落

先生欲為纂集竟不能得

明年道成封齊公假黃鉞天命識所歸矣先

生既常結劉氏內懷憂傷

本起錄云先生自石頭出仍欲棄世專山而正值宋齊之際物情未安既世結劉崇恒懷憂傷

乃因紀真末見於新亭大相推愛得居懷內沈攸之平從還東府仍為其子侍讀

本起錄云沈攸之平從還東府使為第五息華第六息暹侍讀兼知公間管記事時年二十三除巴陵王侍郎

齊高帝既登極除太尉豫章王侍郎

梁書云齊高帝作相引為諸王侍讀誤矣

先生知為帝之左右者排逐再除不投明年隨安成王出鎮石頭世祖初拜振武將軍且都王侍讀齊世侍讀皆總知記室參軍先生於吉凶內外賤啓疏牒莫不絕眾凡濡毫紙人皆楷模之

本起錄云先生於吉凶內外儀體表筆委及賤疏啓牒莫不絕眾數王書佐典書者來承受以為准格

數王侍讀咸切齒讒忌先生處之怡怡如也桂陽王登雙霞臺置酒召宗室侯王兼其客

先生從宜都豫為桂陽林名頌號各令為賦冥十題器中先生探獲水仙大愜意

其賦云云具集中

沈約任助讀之歎曰如清秋觀海第見潭漫寧測其深其心伏如此尋除左衛殿中將軍時論稱屈處道經亟言於武帝帝曰先帝昔親作此官裴松之從此轉負外郎吾之重也卿那不知

本起錄云時年二十九青溪官新成帝銳意遊宴先生拜表獻頌于時稱絕

忽一日於石頭恍然若有所適無所覺知者七日乃豁然自差云觀見甚異事秘不得知本起錄云年二十九於石頭中忽得病不知人不服藥不飲食經七日乃豁然自差說多有所觀見從此容色疲倦言者亦疏

官聞緩者矣

是歲東陽孫遊嶽始授先生道家符圖雖云相承真本而歷經纂寫意所未愜明年遊茅山

本起錄云戊辰年始往茅山按先生本按

訪經法而拂衣長往經始於是行也

復前真籍許與軍中手書

按真籍晉興寧三年太元真人茅君紫陽真人周君紫微夫人九華安妃及諸真仙並降楊君羲於茅山及許長史父子皆同傳授而楊許感降皆有文迹炳然先生於是併獲蓋天付其人也

誠心感躍如親觀靈人乃尋三真往來書疏知所獲者猶多亡闕更搜訪遠近於是啓假而東謁樓惠明於大洪山過杜京產於太平山又尋沙門鍾義山於宛山皆早辭膝請獲真人手跡十餘卷遊歷二百餘日乃還本起錄云遊歷山水二百餘日乃還

未幾復往更求遺迹多有所得爰及東陽長山吳興天目於潛臨海遂安諸名山無不探歷身本輕捷登陟無艱每過崩崖斷壁但褰獨跳越或達幽巖深澗便吟嘯盪滌盤桓坐卧採掘花藥洎猿鳥吟棲尚不能去往往獨宿麋鹿中常言曰見朱闌廣廈雖識是華樂而初無欲往之心望高巖廣澤亦知此難立

正自恒欲往就不解所以必是緣使之然還
都由振武將軍除奉朝請先生為兒時每言
朝市非樂既長大值宋齊相授見時之未可
遂棲下位盤桓風火及是知兵災紛起乃振
衣東顧曰去矣常言大天之內復有三十六

洞天

茅傳云大天之內有地中洞天三十六所
又八海中諸神山皆有洞宮或方千里
五百里非三十六之例

江左伏龍山乃其第八謂之金壇華陽洞漢
有三茅君得道實居之吾其長往於此仲尼
云隱居以求其志行義以達其道吾聞其語
未見其人我今日義達無復其方請從求志
之業乃自稱華陽隱居

本起錄云維人間書疏皆以此號代名

亦猶士安之玄晏稚川之抱朴是歲永明十
年也

本起錄云壬申年時年三十七

行有日矣約左右先出都吾辭者已乃抱
朝服掛神虎門襲鹿巾逕出東亭因與王晏

別語及此事晏云王上性至存嚴治不許人
作高奇事脫致忤自坐自貽咎便恐違卿山
志如何先生默思良久曰吾本為身非為名
若有此慮亦美如此為於是不詣省直表辭
而已

鄭暉史傳云先生永明十年脫朝服掛神

虎門上表辭祿詔許之此乃知其始而不
知其末也表云云具集中

表既入詔答

詔云云具集中

將行與宜都王別彼此嗚咽各不能發一言
左右莫能仰規或謂宜都王云王相愛重如
此那聽其去王云今為天下勝事天子許其
不臣吾何敢然以裘鏡贈別給在山吏役數
人

本起錄云先生昔為安成宜都二王侍讀

而通與諸王少長款狎武陵鄱陽桂陽衡
陽皆眷遇殊常每一往輒言話終日永泰
之世慎避形迹恆示踈退由是無聲累宜
都勿有識度且待受最久彌盡親密先生

亦竭誠陪贊及聞先生當辭世絕俗屢致
涕泗臨行告別云云或謂宜都那聽其去
王曰近武陵欲引其領郡五官我苦論得
免慎之三日不與武陵相見今為天下勝
事我豈得以私情割其久仍傳省餞集明

旦裘鏡九種贈別給衣書車乘出使親侍

左右五六人送至湖熟吏役數人長給在
山觸事營理書驛旬朔武陵桂陽鄱陽亦
各贈詩并諸致遺人力經紀云云

先生既命舳東川齊公卿並送於征虜亭舉
酒揮袂皆云江東比來未有此事乃今日見
之二踈聚金歸田園亦何得稱高先生乃曰
秦皇漢祖楚羽吳策並勢橫海外雄架天維
寸氣不續則為一丘之壤況乎二三子之徒
也高居雲嶺訪真幽府正為此可日暮乃別

執御者亦獻款送者相謂曰孤鴻已摩天去
吾儕戀稻梁跳躑網羅中明年齊大亂西昌
侯蕭鸞秋其君於是乎知先生預見之明也

華陽陶隱居內傳卷上

相二

十二